

**Präsentiert an der Vernissage des Leitbilds Riehen 2016 – 2030, 30. November 2015**

Vers 1:

Sächs Stei uff blauem Hintergrund  
bilde e solide Untergrund,  
e Wappe für e Stadt wie Di,  
wo lieber doch e Dorf möcht si.

Vers 2:

Zwei Dorfkärn, drvo eine alt,  
bi beidne macht au d'S-Bahn Halt.  
Dr Sächser schlänglet sich durchs Dorf ans Ziel,  
vo Kleirieche bis an d'Gränze jo do gsehsch Du viel... vo

Chorus 1:

Rieche, grieni Lunge und Kulturstadt,  
Wänkepark, Langi Erle, Beyeler, Naturbad,  
ökologischer Vorbildgmeind,  
mit Geothermie (alternierend: mit eigenem Räbbärg) für d'Nochhaltigkeit.

Chorus 2:

Jo, Rieche zmitzt imene prächtige Landstrich,  
immer im Wandel, sytt Joohre authentisch,  
ländlich im Charakter, doch im Geist mondän (alternierend: modärn),  
jo Rieche, Du hesch e mänge Fan (alternierend: mir hän Di eifach gärn).

Bridge 1:

Ökologisch, wytsichtig,  
politisch schwergwichtig,  
4125 sälbschtbestimmt,  
e Gmeind wo sehr viel vorwärts bringt:

Bridge 2:

Sportaalage, Musikschoole, Freizytaagebot,  
muesch nid bis uff Basel, wenn Du willsch, dass öbbis goht.  
Openairs und Lääsige und Kunscht zum Bestuune  
und s'Spielzүүmuseum macht nid nur de Kleine Luune.

Wiederholung Chorus 1

Vers 3:

Stet und beständig aber trotzdem im Fluss,  
Veränderige zeichne doch au Rieche us,  
aber sälte überstürzt, im Tempo moderat,  
überschaubar, mit Blick uffs Spezialformat.

Vers 4:

Sitt 1113, namentlich Geburtsstund,  
goht's in dr Gschicht vo Rieche rund.  
Kinderfründlich mit Zertifikat,  
hesch für Jung und Alt und Gross und Klei e Plätzli parat.

Wiederholung Chorus 1, 2 & 1